

**ما تنساش :**

برك ما تعبي الماكينة للفم، خلي 10% فارغ. ديما حط 20 مل خلّ تنظيف في الحاوية متع الكاجولين (-assouplis sant) على خاطر يقضي على البقايا متع مواد التنظيف، يطريّ الدبش، يحييّ الالوان وينظّف. تنجّم تحط قشره برؤدان في الدبوزة باش تفوّح الخلّ متاعك وإلاّ صبّ قطرتين زيت أساسية إلي تعجبك مع الخلّ في الحاوية متع الكاجولين.

بالنسبة للفشفاشات وإلاّ للماعون، زيدو شوية ما أوسموزي وإلاّ معدني بش تقوى الفاعلية متاعو، وماتنساوش باش تخضو مليح قبل الإستعمال.

\*كاس ماء صغير = 200ml

**كيفاش تعمل الخليط المتعدد الإستعمالات**

**الخليط المتعدد الإستعمالات بالصابون الأكل، منظف ضد الزيوت ومعقم، للبقايع المزيطة، للبالكة متع الغاز، الفور، الميكرو أوند، للوجج الإمسخ، لبقايع الزيت على القاعة، ضد الشامبينيون إلي يضر النباتات وبقايع الدبش قبل ما تحطهم في الماكينة :**

- صب كاس (متع ماء) صغير متع صابون أكحل سايل في فشفاشة من فئة 500 مل
- كمل عبيها بالما
- فشفش على البلاصة إلي تحب تنظفها
- سنتي شوييا و مبعد أفرك و شلل

**الخليط المتعدد الإستعمالات بخل التنظيف، منظف ضد التارتر ومعقم، هو خليط يصلح للبلار، المرابية، وجق الكوجينة، لافابوات الكوجينة، السبابل، بيت الحمام والجوانات.**

- صب 1 كاس (متع ماء) صغير متع خلّ تنظيف 14° في فشفاشة من فئة 500 مل
- كمل عبيها بالما
- فشفش على البلاصة إلي تحب تنظفها
- خليها ترتاح شوييا و مبعد عدي شيفونة شايحة

**للدبش الملون وإلاّ الأبيض (ماكينة من 5 ل 7 كغ):**

- حطّ 2 مغارف كبار متع بيكاربونات الصودا ولا سائل الغسيل سنو في الحاوية متع الغسيل (للون الأبيض، زيد مغرفة صغيرة متع باركاربونات الصوديوم) و20 مل متع خلّ تنظيف في الحاوية متع الكاجولين.
- خدّم الماكينة ما بين 40 و60 درجة، إنت وقداش الدبش إمسّخ، 40° لماكينة إمسخة شوية (دبش متع كبار)، 60° لماكينة إمسخة (دبش صغار).

**بالنسبة لبرنامج تبييض (دبش مستصفر وإلا عاطي على الرمادي):**

صبّ 2 مغارف كبار متع بيكاربونات الصودا ولا سائل الغسيل سنو في الحاوية متع الغسيل، 2 مغارف كبار متع باركاربونات في وسط الماكينة قبل ما تشرجيها و20 مل خلّ تنظيف في الحاوية متع الكاجولين. خدّمها على 60°.

**لغسيل السبادريات:**

حطّ 3 بوشونات خلّ تنظيف في حاوية الغسيل، أغسل بالبارد وخليهم يشيحو وحدهم. البرنامج هذا يرجع الروح لسبادرياتكم.

**لأي نوع متع قاعة:**

- صبّ 3 بوشونات خلّ تنظيف في سطل 10 ل. أكنس الغبرة بعد نظّف. ما حاجتكش بش تشلّل بالمأ.
- زيد في دوزة الخلّ حسب حالة القاعة.

**لبيت الحمام، السبايل، الجوانات، لافابوات الكوجينة:**

فشفش بالخليط متعدد الإستعمالات بالخل، إستنّي شوية دقائق بعد نظّف بسبونتاكس شايحة، خلي يشيخ من غير ما تشلّل بالمأ. كان البلايص ياسر إمسخين، زيد مغرفة كبيرة متع بيكاربونات الصودا للخليط متاعك. بالطريقة هاذي، تنظّف، تلمّع وتطهّر!

**للبلارّ والمراية:**

فشفش بالخليط متعدد الإستعمالات بالخل على البلارّ والمراية (مل تشلّل بالمأ قبل) بعد نظّف بمنديلة ميكرو فيبر خاصة للبلار. في الإخر، كمش ورقة جريدة وحك البلارّ.

**لماكينة غسيل الماعون:**

لماكينة غسيل الماعون، حطّ شطر مغرفة (متع قهوة) صغيرة متع بركاربونات الصودا في حاوية التابلات و3 بوشونات خلّ تنظيف في حاوية التشليل.

تنجّم زادة تهبط طريقة الإستعمال على السيت واب متاعنا [www.sno.tn](http://www.sno.tn)  
اتصل ب92492338 لأكثر معلومات وإلا على واتساب (338 490 92)